

Nuutsbreef, juli 2020

Bèste Veldeke minse,

1. Herinnering: Lèste waek vöörinsjrieving.

Tót 31 juli kèntj g'r taeg de vöörinsjrievingspries van 10 euro per ex. nog inteikene vöör 't beukske "**Poëziewanjelinge**": 62 pagina's gedichte en foto's van de wanjeling, die w'r in 2015, 2016, 2017, 2018 en 2019 höbbe georganiseerdj in achtereinvolgendj Lilbosch, Zöstere, Staeveswaert, Ech en de Nuusjtadt. Det weurtj 'n sjoan beukske es trökblik, herinnering, óm te beware of óm cadeau te doen. De kospries is 12,50 en det zal 't beuksje nao 1 augustus ouch gaon koste. Mer vöörinsjriever kriege 't vöör 10 euro. Door die opgaves vööraaf kenne w'r nl. op 1 augustus aan de drökker zoa precies mäögelik opgave, wiewööl beukskes weer wille laote make. Want vööl te vööl blif mer ligke en laote biedrökke, ómdet 't 'r te min wore, kosj allein mer extra geldj.

Dus besloetj noe en bestèl mit de bón ónger aan deze Nuutsbreef.

2. Prissentatie beukske.

't Bestuur wiltj nog bekieke of de prissentatie van dit beukske weer de ieëste activiteit kan zeen nao de corona-periode. Det zoe den zeen op zaoterdig 26 september in 't Cultuurhoes.

De ieëste beukskes waere den aangebaoje aan de cultuurwèthaojer Marian Bruijsten-van de Berg, aan de sjriever van de gedichte, aan de fotograaf en de zöstervereniging in de versjillendje kerne, die ós gehólpe höbbe bie 't realisere van de poëzieweanjeling.

Aafhankelik van wiewööl minse taeg dae tied in de zaal moge, zeen ouch de leje, die bie de vöörinsjrieving 'n beukske bestèldj höbbe, den welkom. Det is taeg dae tied te laeze in oos volgendje "Veldeke Bekèt", det rónj 15 september versjientj.

3. Project Loesterverhaole.

Höbtj g'r ouch al kènnis gemaaktj mit oos loesterverhaole oppe website?

Vanaaf half april zètte w'r waekeliks 'n door Marjo Jaski-Verheesen ingespraoke dialectverhaol oppe website www.veldekekrinkech.nl. Aanvankelik bedoeldj vöör de minse, die zónger bezeug in de verzörgingstehoezer verbleve, zeen dees verhaole noe door ederein te beloestere. G'r gaontj nao de website, zeuktj 'n verhaol oet en kliktj 't pielke aan! Eder verhaol is 5 -10 minute loestere.

Tót straks weer bie Veldeke!

Ton van Wegberg, vöörzitter

Bestèlle beukske "Poëziewanjelinge":

- € 10,00 per te bestèlle beukske äövermake op 't raekningsnummer van Veldeke Krink Ech, NL65 RABO 0138 6319 64, mit vermeldje van naam en lid nummer (achter op 'n Veldeke Bekèt, lènks baove eur adres).

OF:

- € 10,00 per te bestèlle beukske contant in 'n envelop, same mit 'n briefke wo-op die gegaeves, bezörge in de brevebös van de penningmeister op Thaalpad 129, 6102 EH Pej-Ech.

NAAM:

LIDNUMMER:

AANTAL BEUKSKES: